



OPĆINSKO VIJEĆE

Broj: 06/1-31-4108/14
Ilijaš, 14.01.2015. godine

PRIJEDLOG

Općinsko vijeće na sjednici održanoj dana _____ 2015. godine rješavajući po zahtjevu Arsić Božidara sina Miloša iz Foče u predmetu spravke greške u rješenju Skupštine Opštine Ilijaš broj: 08-475-4/79 od 07.09.1979. godine, na osnovu člana 217. Zakona o upravnom postupku ("Službene novine FBiH", br. 2/98, 48/99), člana 55. Statuta Općine Ilijaš – prečišćeni tekst ("Službene novine Kantona Sarajevo", br. 20/09) i člana 99. Poslovnika o radu Općinskog Vijeća ("Službene novine Kantona Sarajevo", br. 2/10), donosi

ZAKLJUČAK

U tački 1. dispozitiva rješenja Skupštine Opštine Ilijaš br. 08-475-4/79 od 07.09.1979. godine u predmetu dodjele na trajno korištenje zemljišta društvene svojine radi izgradnje porodične stambene zgrade u Srednjem pogrešno je upisano ime oca Arsić Miloša kojem se dodjeljuje zemljište društvene svojine na trajno korištenje radi izgradnje stambeno porodične zgrade kao i u čiju korist se određuje uknjižba prava trajnog korištenja **tako da umjesto Arsić Milošu sinu Petra treba da stoji Arsić Milošu sinu Pere sa dijelom 1/1.**

Ova ispravka ima pravno dejstvo od dana od kojeg pravno dejstvo ima navedeno rješenje.
Ostali dijelovi rješenja ostaju nepromijenjeni i isti su na snazi.

Obrazloženje

Na zahtjev Arsić Božidara sina Miloša iz Foče Služba za imovinsko pravne poslove, geodetske poslove i katastar Općine Ilijaš utvrdila je da je Skupština Opštine Ilijaš prilikom izrade rješenja br. 08-475-4/79 od 07.09.1979. godine o dodjeli zemljišta društvene svojine na trajno korištenje označeno kao k.č.br. 772 u površini od 400 m² K.O. Srednje pogrešno upisano ime oca Arsić Miloša tako da je upisano Arsić Miloš sin Petra a treba da stoji Arsić Miloš sin Pere.

Podnosilac zahtjeva Arsić Božidar sin Miloša uz zahtjev za ispravku greške priložio je:

- zemljišnoknjižni izvadak zk.ul.br. 748 K.O. SP_Srednje,
- izvod iz matične knjige rođenih br. 02/1-13-200-13194/14 od 22.12.2014. godine.

Kako je greška nastala prilikom izrade rješenja, grešku je valjalo ispraviti u smislu odredaba člana 217. stav 2. Zakona o upravnom postupku ("Službeni list FBiH", br. 2/98, 48/99).

Na osnovu svega izloženog odlučeno je kao u dispozitivu ovog zaključka.

Protiv ovog zaključka nezadovoljna stranka može izjaviti žalbu Federalnoj upravi za geodetske i imovinsko pravne poslove Sarajevo u roku od 15 dana od dana prijema ovog zaključka. Žalba se predaje putem ove Službe pismeno ili usmeno izjavljena na zapisnik, i taksira sa 6,00 KM administrativne takse shodno Tarifniku br. 3. Zakona o administrativnim taksama ("Službene novine Kantona Sarajevo", br. 30/01, 22/02, 10/05, 26/08).

Obrađivač, Muratović Hamida, dipl.pravnik

DOSTAVLJENO

PREDSJEDAVAJUĆI OPĆINSKOG VIJEĆA

1. Arsić Božidar,
ul. Petra Kočića br. 31 Foča
2. Zemljišnoknjižnom uredu
Općinskog suda u Sarajevu
3. Katastru ove Službe
4. U spis predmeta

Damir Filipović, s.r.

